

Քնարիկ Կարդանյան

ԵՊՀ Եվրոպական և միջազգային իրավունքի ամբիոնի դասախոս

ՓԱԽՍՏԱԿԱՆՆԵՐԻ ՄԻԶԱԶԳԱՅԻՆ-ԻՐԱՎԱԿԱՆ ՊԱՇՏՊԱՍՈՒԹՅԱՆ ՄԵԽԱՆԻՉՄԸ ԶԱԿՈՐՈՒՄԸ ԵՎ ՊԱՏՄԱԿԱՆ ԶԱՐԳԱՑՈՒՄԸ

Մարդիկ դեռևս հնագույն ժամանակներից սեփական կյանքը բռնությունից և սպառնալիքներից փրկվելու համար ստիպված են եղել լքել իրենց հայրենի օջախները և հաստատվել օտար ափերում: Դայրենիքից մազապուրծ փախչելու այս երևոյթն էլ ինքնին հանդիսացավ փախստականների ինստիտուտի ձևավորման համար հիմք:

Փախստականների ինստիտուտի ձևավորումն ունի հնագույն արմատներ, սակայն միջազգային հանրության պատասխանատվությունը փախստականների պաշտպանության և աջակցության նկատմամբ իր սկիզբն է դրել միայն վերջին հայրութամյակում: Տարբեր ժամանակաշրջաններում հայրենիքը լքած մարդկանց քանակը միշտ էլ մեծ չափերի է հասել: Սակայն 20-րդ դարի առաջին կեսին այս երևոյթը հասավ առավել մեծ մասշտաբների: Դրա պատճառը հատկապես Առաջին համաշխարհային պատերազմն էր՝ իր պատճառած վնասներով, ցավով, հետևանքներով և զրկանքներով: Միայն փլուզված ռուսական կայսրությունից շուրջ 1մլն. մարդ ստիպված եղավ լքելու հայրենիքը և ընկնելու պանդիտության մեջ¹: Արդյունքում միջազգային հանրությունը, ի դեմս Ազգերի լիգայի, իսկ այնուհետև Սիավորված ազգերի կազմակերպության, չեր կարող անտարբերություն դրսկորել այս խնդրի նկատմամբ:

1921թ. Ազգերի լիգայի շրջանակներում, որը ստեղծվել էր Առաջին համաշխարհային պատերազմից հետո՝ որպես խաղաղության երաշխիք, իրավիվեց փախստականների հիմնախնդրին վերաբերող առաջին համաժողով: Դամաժողովի արդյունքում որոշում ընդունվեց հիմնադրել ռուս փախստականների հարցերով Գերագույն հանձնակատարի պաշտոնը: Այդ պաշտոնում նշանակվեց նորվեգացի հայտնի գիտնական և պետական գործիչ Ֆրիտյոֆ Նանսենը: Դետազայում՝ 1925թ., Ֆ.Նանսենին հանձնարարվեց նաև ուսումնասիրել հայ փախստականների հիմնախնդրը, և այդ նպատակով վերջինիս դե-

¹Տե՛ս Գրիգորյան Կ.Բ., Յամանին Ե.Պ., Պարագայ ստամու բեջենցեա. Կարագան: Էկոկան, 2005, էջ 7:

կավարությամբ ստեղծվեց հատուկ հանձնաժողով: Գերագույն հանձնակատարի գործունեությունը պետք է իրականացվեր համապատասխան կառավարությունների համաձայնությամբ և չպետք է կրեր քաղաքական բնույթ:

Փախստականների հարցերով Գերագույն հանձնակատարի լիազորությունների շարքին էին դասվում՝

- ընդունող երկրներում փախստականների իրավական կարգավիճակի սահմանումը՝ անձը հաստատող փաստաթղթի և ճանապարհային փաստաթղթերի տրամադրման միջոցով,

- փախստականներին աշխատանքի տեղավորելու համար հնարավորություն ստեղծելը,

- հայրենադարձության իրականացման նախագծեր կազմելը¹:

Վերոնշյալ միջոցառումների ի կատար ածումն էլ իր հերթին անհրաժեշտություն առաջացրեց նշակել փախստականների պաշտպանությանն ուղղված մի խումբ համաձայնագրեր:

Ըստ այդմ՝ 1922թ. հուլիսի 5-ին Ժնևում Ֆ. Նամսենի ջանքերի շնորհիվ Ազգերի լիգայի շրջանակներում իրավիրված խորհրդաժողովի արդյունքում ընդունվեց Դամաձայնագիր ռուս փախստականներին անձը հաստատող փաստաթուղթ հատկացնելու վերաբերյալ²: Անձը հաստատող փաստաթուղթը հնարավորություն տվեց այս կատեգորիայի անձանց վերադառնալ իրենց նշտական բնակության վայել կամ հաստատվել այլ երկրներում որոշակիորեն թերևնացնելով փախստականների առջև ծառացած դժվարությունները: Նման փաստաթղթի տրամադրման մասին համաձայնագրում նշվում էր նաև փաստաթղթի տրամադրման վերաբերյալ պետությունների համաձայնության մասին, այն է՝ անձը առանց պետության համապատասխան համաձայնության չէր կարող վերադառնալ այն երկիր, որտեղ նրան տրվել էր նման փաստաթուղթը: Փաստաթուղթը միաժամանակ թե՛ անձը հաստատող վկայական էր, թե՛ ճանապարհային փաս-

¹Տե՛ս Պաвлова, Լ. Բ., Сарашевскиу, Ю. Л. К вопросу о понятии «беженец» в международном праве // Белорус. журн. междунар. права и междунар. отношениу. 1998, №2, էջ 15:

² Тե՛ս Иранпур З.Ф., Проблема защиты прав беженцев: исторические истоки и современность // <http://justicemaker.ru/view-article.php?id=11&art=2187>:

տարրութք, որը գործում էր 1 տարի ժամկետով¹: Փաստաթուղթը ֆ. Նանսենի անունով կոչվել էր Նանսենյան անձնագիր²:

1924թ. որոշում էր կայացվել անձը հաստատող փաստաթորեր տրամադրել նաև հայ փախստականներին: Այս փաստաթուղթը իր բովանդակությամբ նույնական էր նախորդ փաստաթորի հետ, միայն թե նախատեսում էր փախստականների համար սահմանված հատուկ թույլտվություն վերադառնալու համար իրենց փաստաթուղթ տրամադրած երկիր՝ ցանկացած դեպքում նպաստելով փախստականների ազատ տեղաշարժմանը և տնտեսական կացության բարելավմանը³: Նման թույլտվություն տրամադրվում էր «...բոլոր դեպքերում, երբ չկային այլ կերպ վարվելու պատճառներ փախստականների տեղաշարժումն ու նրանց տնտեսական վիճակը բարելավելու նպատակներով»⁴:

1926թ. մայիսի 12-ին ժննում տեղի ունեցած կոնֆերանսի արդյունքում մի շարք փոփոխություններ և լրացումներ արվեցին 1922թ. և 1924թ. Դամաձայնագրերում: Նոր ակտն առաջին անգամ փորձեց ձևակերպել «փախստական» հասկացությունը: Բացի այդ փախստականի ինքնությունը հաստատող փաստաթուղթի՝ այսպես կոչված՝ «Նանսենյան անձնագիրը», ըստ 1926թ. Դամաձայնագրի, կարող էր գործել նաև այն տված պետություն վերադառնալու համար⁵: Փաստաթորի մի շարք դրույթներ վերաբերում էին Ազգերի լիգայի կողմից փախստականների աջակցության համար ստեղծված վերականգնողական իհմնադրամին: Դամաձայնագիրը նաև առաջարկում էր պետություններին «հասուկ ներդրումներ կատարել հոգալու համար իրենց տարածքում գտնվող կամ այն լքող փախստականների

¹ Ст. Павлова А.В., Селиванов А.В., Международный правовой статус беженца, Пособие для студентов вузов. Минск, «ТЕСЕЙ», 2006, № 5:

² Ст. Nansen Passport // http://cultureandcommunication.org/deadmedia/index.php/Nansen_Passport#Successes_and_Failures:

³ Ст. Павлова А.В., Селиванов А.В., Международный правовой статус беженца, Пособие для студентов вузов. Минск, «ТЕСЕЙ», 2006, № 6:

⁴ Ст. Поманов В.П., Беженцы в международном праве, М., 1986, № 51:

⁵ Ст. «Чартервадорությունները իրավասություն ունեն առանձին դեպքերում շեղվել այս սկզբունքից» //Ազգերի լիգայի 1926թ. մայիսի 12-ի Դամաձայնագիր՝ հայ և ռուս փախստականներին անձը հաստատող փաստաթուղթ տրամադրելու, 1922թ. հուլիսի 5-ի և 1924թ.մայիսի 31-ի Դամաձայնագրերում փոփոխություններ և լրացումներ կատարելու վերաբերյալ, կետ 3:

տեղափոխման և բնակեցման հետ կապված ծախսերը»¹:

1928թ. ժնկյան կոնֆերանսի ժամանակ ընդունվեց փախստականներին առնչվող թվով 3 համաձայնագիր: Մասնավորապես՝

1. հայ և ռուս փախստականների իրավական կարգավիճակի մասին,

2. հայ և ռուս փախստականների օգտին մշակված միջոցառումները փախստականների այլ կատեգորիաների վրա տարածելու վերաբերյալ,

3. Ազգերի Լիգայի Գերագույն հանձնակատարի ներկայացուցիչների գործառույթների մասին:

Դայ և ռուս փախստականների կարգավիճակի վերաբերյալ փաստաթուղթը ավելի հստակ էր սահմանում վերջիններիս իրավական կարգավիճակը, քան նախկինում գործող համաձայնագրերը: Նրանում հստակ ամրագրված էին փախստականների գործերով Գերագույն հանձնակատարի խնդիրները՝ կապված փախստականներին աջակցելու համար անհրաժեշտ միջոցառումներ իրականացնելու հետ, մասնավորապես դրանց շարքին էին դասվում փախստականների անձի և իրավական վիճակի, նրանց ընտանեկան դրույթան և քաղաքացիական կարգավիճակի սահմանումը, փախստականների իրավունքների ներկայացումը լիազորված մարմիններին, հատկապես նրանց համար մուտքի արտոնագիր, երկրում բնակվելու բոլյլտվություն ստանալու, դպրոցներ ընդունելու և այլ նպատակներով:

1928թ. հունիսի 30-ի հայ և ռուս փախստականների նկատմամբ կիրառվող միջոցները փախստականների այլ կատեգորիաների նկատմամբ կիրառելու վերաբերյալ Դամաձայնագիրը տարածվում էր նաև թուրք, ասորի, ասորիա-խալիխական և նատուրալիզացված փախստականների վրա:

Ազգերի լիգայի երրորդ Դամաձայնագիրը Գերագույն հանձնակատարի ներկայացուցիչների գործառույթների մասին մշակվեց՝ նպատակ ունենալով նպաստել հայ և ռուս փախստականների իրավական վիճակի մասին Դամաձայնագրով նախատեսված միջոցառումների առավել արդյունավետ իրականացմանը:

¹ Տե՛ս Ազգերի լիգայի 1926թ. մայիսի 12-ի Դամաձայնագիր՝ հայ և ռուս փախստականներին անձը հաստատող փաստաթուղթ տրամադրելու, 1922թ. հուլիսի 5-ի և 1924թ. մայիսի 31-ի Դամաձայնագրերում փոփոխություններ և լրացումներ կատարելու վերաբերյալ, կետ 13:

Գերմանիայում նացիստական ռեժիմի հաստատումը փախստականների նոր հոսանքների առաջացման պատճառ դարձավ, որոնց թվում էին քաղաքական փախստականները, հրեաները և նացիզմի այլ գոհերը: Նրանց աջակցելու համար նշանակվեց Գերմանիայից հատուկ այդ նպատակով ժամանած Գերագույն հանձնակատար: Դետագայում հանձնաժողովի մանդատը տարածվեց նաև Ավստրիայից ժամանող փախստականների վրա¹: Գերագույն հանձնակատարի պաշտոնում նշանակվեց Զեյմս Մակրոնալդը: Վերջինս իր ջանքերը կենտրոնացրեց այդ փախստականների համար բնակության մշտական վայրեր փնտրելու վրա և արդյունքում շուրջ 80.000 մարդ վերաբերնակեցվեց (իիմնականում Պայեստինում):²

1936թ. ընդունվեց Գերմանիայից ժամանող փախստականների կարգավիճակի վերաբերյալ ժամանակավոր համաձայնագիր, որը լրացակումների ենթարկվելուց հետո 1938թ. վերանվանվեց Կոնվենցիա: Այն ըստ էության կրկնում էր 1933թ. Կոնվենցիայի դրույթները: 1936թ. և 1938թ. փաստաթղթերին կցված 1939թ. Լրացուցիչ արձանագրությունը 1938թ. Կոնվենցիայի դրույթները տարածեց նաև Ավստրիայից ժամանող փախստականների վրա:

1922-1939թթ. ընդունված փաստաթղթերը ըստ էության դարձան ներկայիս փախստականների իրավունքի իիմքը և փախստականների պաշտպանության միջազգային-իրավական ռեժիմի պատճական զարգացման առաջին փուլը (փախստականների կարգավիճակի հավաքական՝ կոլեկտիվ ճանաշման փուլը): Փախստականների կարգավիճակի ճանաշման հավաքական մոտեցման համար բավարար էր այն, որ անձը գտնվում էր իր ծագման երկրի սահմաններից դուրս և չէր օգտվում այդ պետության կառավարության օգնությունից: Այսպես՝ 1926թ. համաձայնագրով ոռւս փախստական համարվում էր ռուսական ծագում ունեցող ցանկացած անձ, ով չէր օգտվում ԽՍՀՄ կառավարության օգնությունից³: 1938թ. Կոնվենցիայի համաձայն՝ նույնը սահմանվեց Գերմանիայի փախստականների համար, ընդունվեց Կոնվենցիայի 1.2 հոդվածով փախստական չէր կարող համար-

¹ Տե՛ս History of organization, http://www.nobelprize.org/nobel_prizes/peace/laureates/1938/nansen-history.html:

² Տե՛ս ՅՎԿԲ, Введение в вопросы международной защиты беженцев: Пособие для самообучения 1, ԱՆՀԿՐ, 2005, էջ 5:

³ Տե՛ս Գայ Ս. Գյուվին-Գիլլ, Стамус беженца в международном праве, Будапешт, 1997, էջ 16:

վել այն անձը, ով լրել էր Գերմանական պետության սահմանները՝ անձնական պատճառներից ելնելով:

Փախստականների պաշտպանության միջազգային իրավական ռեժիմի պատճական զարգացման 2-րդ փուլը ներառում է 2-րդ համաշխարհային պատերազմը և դրան անմիջապես հաջորդած ժամանակաշրջանը՝ ըստ էրթյան հանդիսանալով անցումային փուլ փախստականների կարգավիճակի հավաքական ճանաչման և անհատական ճանաչման փուլերի միջև: Այս ժամանակահատվածում փախստականներին տրվող սահմանումը դիտարկվում էր երեք տեսանկյունից՝ իրավական, սոցիալական, անհատական: Իրավական մոտեցման հիմքում ընկած էր այն հանգամանքը, որ անձը համարվում էր փախստական այնքանով, որքանով որ դիտվում էր ծագման երկրի կառավարության պաշտոնական օգնության շրջանակից դուրս մնացած մարդկանց խնդիր անդամ: Սոցիալական տեսանկյունից փախստականն իր երկրի հասարակությունից անջատված, սոցիալական և քաղաքական բացերի զոհ դարձած անձ է: Անհատական տեսանկյունից ելնելով՝ փախստականը, որոշակի հիմքերի հիման վրա հրաժարվելով իր երկրի պաշտպանությունից, ձգում է արտերկրում նոր կյանք ստեղծելու հնարավորություն ձեռք բերել¹:

Ի մի բերելով վերոնշյալը՝ հարկ է հավաստել, որ սույն ժամանակաշրջանում ևս մշակվեցին մի շարք համաձայնագրեր, որոնք պետք է նպաստեին փախստականների հիմնախնդրի լուծմանը: Մասնավորապես՝

✓ 1926թ. Դամաձայնագիրը, որն առաջին անգամ ձևակերպեց «փախստական» հասկացությունը,

✓ 1933թ. Կոնվենցիան փախստականների միջազգային կարգավիճակի վերաբերյալ: Այս համաձայնագիրը մի յուրօրինակ մոդել հանդիսացավ ապագա միջազգային փաստաթղթերի համար,

✓ Գերմանիայի փախստականների իրավական կարգավիճակի մասին 1936թ. ժամանակավոր համաձայնագիրը, որը 1938թ. հետո որոշակի վերամշակվելուց հետո անվանվեց Կոնվենցիա: Սույն Կոնվենցիայի դրույթները նման էին 1933թ. Կոնվենցիայի դրույթներին:

Այնուամենայնիվ, ի մի բերելով 1921-1939թթ. Ազգերի լիգայի գործունեությունը փախստականներին աջակցություն ցուցաբերելու ուղղությամբ, պետք է փաստել, որ այն ի վիճակի չեղակ իրագործե-

¹ See The Development of the Refugee Definition in International Law// http://www.refugeecaselaw.org/pdfs/Hathaway_LRS_Ch1.pdf:

լու իր առջև դրված նպատակներն ու խնդիրները, իսկ Ազգերի լիգայի հնարավորությունները այս կամ այն օգնություն տրամադրելու հարցում քավական սահմանափակ էին¹:

Վերոնշյալը մեզ թույլ է տալիս փաստել, որ Ազգերի լիգայի կողմից փախստականների հիմնախնդրի լուծման նպատակով ընդունված բոլոր փաստարդերն էլ զերծ չեն մի շարք սկզբունքային թերություններից: Նշենք դրանցից մի քանիսը.

- համաձայնագրերը առաջարկությունների ձևով էին ներկայացվում և չունեին պարտադիր իրավաբանական ուժ,

- դրանք համաձայնեցված ու հաջորդականորեն չեն կիրառվում,

- կոնվենցիաները վավերացվում էին միայն մի քանի պետությունների կողմից և այն էլ որոշակի վերապահումներով (Եթե 1922թ. Համաձայնագիրը ուժի մեջ մտավ 33 պետությունների համար, ապա փախստականների միջազգային կարգավիճակի մասին 1933թ. Կոնվենցիան վավերացրին 8 պետություն, իսկ 1938թ. Գերմանիայի փախստականների կարգավիճակի մասին Կոնվենցիան՝ միայն 2 պետություն):²

Նշված թերությունները կարելի է թերև բացատրել նրանով, որ որքան ավելի շատ պարտադիր բնույթի նորմեր էին պարունակում այդ համաձայնագրերը և որքան որ ավելի համընդգրկուն ու համապարփակ էին, այնքան պետությունները ավելի էին խուսափում դրանք վավերացնելուց՝ չցանկանալով իրենց վրա վերցնել փախստականների իրավունքների պաշտպանության հետ կապված մի շարք պարտավիրություններ:

Փախստականների իրավունքի հիմնական սկզբունքների ձևավորումը շարունակվեց նաև Երկրորդ համաշխարհային պատերազմից հետո: Արդեն իսկ Երկրորդ համաշխարհային պատերազմի ավարտին միլիոնավոր մարդիկ գտնվում էին իրենց պետություններից դուրս և աջակցության կարիք ունեին: Տեղափոխված եվրոպացիների մեծ մասը կենտրոնացած էր Գերմանիայում: Միաժամանակ փախստականների նոր հոսքեր առաջացան Հունաստանում կրմունիզմի ջատագովների և թագավորական իշխանության միջև տեղի ունեցած քաղաքացիական պատերազմի, ինչպես նաև Արևելյան և

¹ Ст. Поманов В. П. Беженцы в международном праве, М., 1986, № 53:

² Ст. նույն տեղում:

Հարավային Եվրոպայում ազատագրական շարժումների արդյունքում: Նման կարծ ժամանակահատվածում փախստականների և տեղահանված անձանց մեջ հոսքը հատկապես այն տարածքներում, որտեղ ենթակառուցվածքների հիմնական մասը ավերված էր, պահանջում էր արևմտա-Եվրոպական երկրների միջամտությունը, առավելապես Գերմանիայի, ինչպես նաև դաշնակիցների գինվորական իշխանությունների, որոնք պատասխանատու են նախկին հակառակորդների տարածքների կառավարման համար:

Եվրոպայում մարդկանց հսկայական տեղաշարժը կասեցնելու նպատակով 1943թ. նոյեմբերին արևմտյան իշխանությունները հիմնեցին *Օգնության և հետպատերազմյան վերականգնման Միացյալ Ազգերի աղմինիստրացիա* (UNRRA)՝ միութենական գործերի կողմից հակագրոհ սկսվելուց և Եվրոպայի ազատագրումից հետո փախստականներին, ինչպես նաև պատերազմի արդյունքում տեղահանված անձանց անհապաղ օգնություն տրամադրելու համար: 1944-1945թթ. UNRRA-ն ժամանակավոր արտակարգ օգնություն տրամադրեց դաշնակիցների ծեղզն ընկած շուրջ 7 մլն մարդու¹: Սակայն UNRRA-ն փախստականների հիմնախնդրով գրաղվող կազմակերպություն չի եղել իր բուն իմաստով. կազմակերպությունն օգնում էր պատերազմի արդյունքում տեղահանված բոլոր անձանց և միայն հազվադեպ՝ քաղաքական փախստականներին: UNRRA-ն գրաղվում էր փախստականներին և տեղահանված անձանց երրորդ երկրներ վերաբերնեցնելու խնդրով: Վերջինիս նպատակներից մեկն էլ այն էր, որ հնարավորության սահմաններում իրենց երկիր վերադարձնի այն անձանց, ովքեր տեղահանվել կամ արտաքսվել են պատերազմի պատճառով: Ի վերջո UNRRA-ի հիմնական գործառույթը հայրենադարձության խրախուսումն ու վերջինիս նկատմամբ հսկողության իրականացումն էր²:

1947թ. ՄԱԿ-ի կողմից ստեղծվեց Փախստականների միջազգային կազմակերպությունը, որն առաջին միջազգային մարմինն էր, որ գրաղվեց փախստականների խնդիրների համալիր ուսումնասիրությամբ: Նրա գործառույթներն էին անձի կարգավիճակի հաստատումը,

¹ Steu Положение беженцев в мире: Пятьдесят лет гуманитарной деятельности. Управление Верховного Комиссара ООН по делам беженцев (УВКБ ООН), Москва, "Интердиналект+", 2000, էջեր 15-16, 18:

² Steu Skran G. Refugees in Inter-War Europe: The emergence of a regime. Oxford: Oxford University Press, 1995, էջ 48:

իրավական և քաղաքական պաշտպանությունը, հայրենադարձությունը, տեղափոխումը, վերաբնակեցումը նոր տարածքում¹: Եվրոպայում տեղի ունեցած իրադարձությունների պատճառով, սակայն, շատերը ցանկություն չունեին վերադառնալու իրենց հայրենիք. Վեճեր էին ընթանում այն կապակցությամբ, թե արդյո՞ք թույլատրելի է վերաբնակեցնան պրակտիկայի կիրառումը հայրենադարձության փոխարեն: Արևմտյան բլոկը գտնում էր, որ Փախստականների միջազգային կազմակերպությունը պետք է պաշտպանի անձանց, որոնք իրենց հայրենադարձնան դեմ ունեն «լուրջ առարկություններ», ներառյալ առարկություններ, որոնք հիմնված են «ռասսայական, կրոնական, ազգային պատկանելիության կամ քաղաքական համոզմունքների պատճառով հետապնդման կամ նման հետապնդման ողջամիտ վախ ունենալու» հանգանանքի վրա, և առարկություններ «քաղաքական բնույթի, որոնք կազմակերպությունը կհամարի լուրջ»: Զևավորված անվստահության մթնոլորտում շատ քիչ պետություններ էին իրականացնում ֆինանսավորում, ինչի հետևանքով արդեն 1951թ. ՓՄԿ դադարեցրեց իր գոյությունը:

Նախկինում միջազգային կազմակերպությունները գրադՎում էին փախստականների որոշակի խնդերի գործերով (օրինակ՝ ռուսների կամ գերմանացիների) գործում էր փախստականի կարգավիճակի կողեկտիվ ճանաչման սկզբունքը, իսկ պետությունները երբեք չէին փորձում ձևավորել մեկ ընդհանուր, ունիվերսալ հասկացություն «փախստական» եզրույթի համար:

Այսպիսով, փախստականների միջազգային-իրավական պաշտպանության պատմության մեջ առաջին անգամ փախստականի կարգավիճակը դիտարկվում էր առանձին անհատների նկատմամբ և ոչ անձանց խմբի, որն էլ հաստատեց անհատի իրավունքը փախչել քաղաքական հետապնդումից և ընտրել իր բնակության վայրը:

Չնայած Փախստականների միջազգային կազմակերպության ձեռքբերումների՝ փախստականների հիմնախնդիրը չէր նվազում: Պատերազմից հետո ննացած տեղահանված անձանց վերաբնակեցումը էլ ավելի բարդացավ: Արևմտյան երկրները, որոնք արդեն մեկ անգամ ննան անձանց ընդունել էին, հավատացնում էին, որ իրենց տնտեսությունները տեղահանվածների ևս մեկ ննան հոսքի չեն դիմանա, մինչ այդ «սառը պատերազմը» սկսելուց հետո փախստա-

¹ Տե՛ս УВКБ, Введение в вопросы международной защиты беженцев: Пособие для самообучения 1, UNHCR, 2005, էջ 7:

կանոների նոր խմբեր ուղղվեցին դեպի Արևմուտք:

Արևելքի և Արևմուտքի միջև նոր հականարտությունները՝ իշխանափոխությունը Զեխոսլովակիայում, առաջին սովետական ատոմային ռումբի պայթյունը, Բեռլինի շրջափակումը, Չինաստանում Սառ Ցզեղունի հաղթանակը, կորեական հականարտության սկիզբը 1950թ., այս ամենը էլ ավելի խորացրին երկու բլոկների միջև առկա քաղաքական լարվածությունը, որի պայմաններում փախստականների հիմնահարցը ոչ միայն կայուն պահպանվում էր, այլև գնալով նոր զարգացում էր ստանում:

Փախստականների պաշտպանության միջազգային իրավական ռեժիմի պատմական զարգացման 3-րդ փուլը՝ փախստականի կարգավիճակի անհատական ճանաչման փուլը է, որն ընդգրկում է ՄԱԿ ՓԳՅ ստեղծումից և 1951թ. Փախստականների կարգավիճակի մասին Կոնվենցիայի ընդունումից սկսած մինչ այսօր ընկած ժամանակահատվածը:

ՄԱԿ-ի Գլխավոր ասամբլեայի և տնտեսական ու սոցիալական խորհրդի շրջանակներում 1948-1950թթ. քննարկվում էր Միավորված ազգերի կազմակերպության փախստականների գծով հանձնակատարի գրասենյակի ծևավորման հիմնահարցը և փախստականների կարգավիճակի մասին 1951թ. Կոնվենցիայի նախագիծը:

Երկարատև քննարկումներից հետո ՄԱԿ-ի Գլխավոր ասամբլեայի 1949թ. դեկտեմբերի 3-ի 319 (IV) բանաձևով որոշում կայացվեց ստեղծել Միացյալ ազգերի կազմակերպության փախստականների գծով գերազույն հանձնակատարի գրասենյակ (այսուհետ՝ ՄԱԿ ՓԳՅ), որի գործունեությունը կրելու էր բացառապես մարդասիրական և սոցիալական բնույթ: Ի սկզբանե այն ծևավորվեց 3 տարի ժամկետով՝ սկսած 1951թ. հունվարի 1-ից¹: ՄԱԿ ՓԳՅ-ն իր գործունեությունն սկսեց՝ կազմում ունենալով շուրջ 30 աշխատակից և բյուջե՝ 300 000 ԱՄՆ դոլարի չափով: ՄԱԿ ՓԳՅ-ի առաջնային մանդատը ի սկզբանե ամրագրված էր նրա Կանոնադրությունում²: Հետագայում ՄԱԿ ՓԳՅ-ի մանդատը բազմիցս երկարացվում էր Գլխավոր ասամբլեայի բանաձևերով, իսկ 2003թ. դեկտեմբերի 22-ի 58/153 բանաձևով ՄԱԿ ՓԳՅ լիազորությունները երկարաձգվեցին անսահ-

¹ Տե՛ս 1949թ. դեկտեմբերի 3-ի ՄԱԿ-ի Գլխավոր ասամբլեայի 319 (IV) Բանաձև, կետ 1:

² Տե՛ս ՄԱԿ-ի Գլխավոր ասամբլեայի 428 (V) Բանաձև (1950թ.):

մանափակ ժամկետով, քանի դեռ փախստականների հարցը վերջնական լուծում չի ստանա¹:

ՄԱԿ ՓԳՀ-ի կանոնադրության մեջ ամրագրված էին Գրասենյակի պարտականությունները, որոնց թվում առավել կարևորներն են համարվում «միջազգային մասշտաբով փախստականների պաշտպանության ապահովումը...փախստականների պաշտպանության ուղղված միջազգային կոնվենցիաների վավերացմանն աջակցելը հաճընդիանուր և տարածաշրջանային մակարդակներով, ինչպես նաև դրանց կիրառման նկատմամբ հսկողությունը և ... փախստականների հիմնախնդիրների երկարատև լուծումների որոնումը»²:

1951թ. ընդունված Փախստականների կարգավիճակի մասին Կոնվենցիան սահմանեց փախստականներ՝ որպես անձ, որն ունի «ռասայի, քաղաքացիության, դավանանքի, այս կամ այն սոցիալական խնդիր պատկանելիության կամ քաղաքական հայցըների պատճառով հետապնդման զոհ դառնալու հիմնավոր երկյուրությունը»: Որպես փախստականներ հիմնական բնութագրող հատկանիշ հետապնդման ընդունումը համապատասխանում էր Արևմուտքում ապաստան հայցըների սահմանմանը: Նման սահմանումն իր մեջ կներառեր նաև քաղաքական փախստականներին, հատկապես Արևելյան Եվրոպայից, և ուժեղացող կոմունիստական ռեժիմները համաշխարհային հանրության առջև հանդիս կգային որպես հետապնդողներ: Այն համարվում էր նաև Եվրոպայում կրօնական և էքսիլական փոքրամասությունների հիմնահարցի կարգավորման հարմարավետ միջոց, հատկապես հրեաների, որոնք ձգուում էին ստեղծելու արդյունավետ միջազգային մեխանիզմներ՝ դյուրին դարձնելու համար երկրից մեկնումը և տեղահանումը ապագա հնարավոր հետապնդումների ժամանակ:

Չնայած նրան, որ կողմերը համաձայնության եկան մեկ ընդհանուր «փախստական» հասկացության կիրառման վերաբերյալ, նրանք համաձայնության չեն գալիս այն հարցի շուրջ, թե արդյո՞ք Կոնվենցիայի դրույթները կիրառելի են բոլո՞ր, թե՞ բացառապես միայն Եվրոպայի փախստականների նկատմամբ:

¹ Տես 2003թ. դեկտեմբերի 22-ի ՄԱԿ-ի Գլխավոր ասամբլեայի 58/153 Բանաձև, կետ 9:

² Տես ՄԱԿ ՓԳՀ Կանոնադրություն // Սարդու իրավունքներ: Միջազգային պայմանագրերի ժողովածու, 1-ին հատոր, 2-րդ մաս, Նյու Յորք և Ժնև, ՄԱԿ, 1994:

Մեծ Բրիտանիան՝ ստանալով Սկանդինավյան երկրների և Բենիլյուքսի աջակցությունը, կողմ էր «փախստական» հասկացության ավելի լայն մեկնաբանմանը: ԱՄՆ-ը և Ֆրանսիան, մյուս կողմից, ճիշտ էին համարում Կոնվենցիան ստորագրած պետությունների պարտավորությունների սահմանափակումը: Արդյունքում հաղթեց այն կարծիքը, որ Կոնվենցիան պետք է հանդիսանա բացառապես Եվրոպական փախստականների հիմնախնդիրների լուծման հիմնական միջոցը¹:

Այսպիսով, իր տնօրինության տակ ունենալով 300 հզ. դոլ. չափով ամենամյա բյուջեն և գործելով ժամանակի ու աշխարհագրական սահմանափակումների պայմաններում, ՄԱԿ ՓԳՀ-ի գործունեությունը խստ սահմանափակ էր և միայն որոշ չափով էր ազդում հետպատերազմյան շրջանում Եվրոպայում փախստականների առկա իրավիճակի վրա: Թվով վեցերորդ վակերացումը, որն անհրաժեշտ էր փախստականի կարգավիճակի մասին 1951թ. Կոնվենցիան ուժի մեջ մտնելու համար, կատարվեց միայն 1954թ. հունվարին: ԱՄՆ-ը չստորագրեց Կոնվենցիան և ոչ մի պարտավորություն իր վրա չվերցրեց ընդուակ մինչև 1968թ.: ՍՍՀՄ-ը չմիացավ Կոնվենցիային՝ դրանով իսկ չճանաչելով փախստականներին՝ որպես քաղաքական և սոցիալական երևույթ²:

1960-ական թթ. ՓԳՀ-ի կողմից օգնության արժանացած մարդկանց մեծամասնությունը 1951թ. Կոնվենցիայի գործողության շրջանակներում ընդգրկված չէր: Արդյունքում հրավիրվեցին Եվրոպական, աֆրիկյան, ամերիկյան մասնագետների քննարկումներ և 1967թ. ընդունվեց փախստականների կարգավիճակի մասին Արձանագրությունը, որտեղ վերացվեցին Կոնվենցիայով տրված ժամանակագրական և աշխարհագրական սահմանափակումները: Չնայած այս քայլերին՝ աֆրիկյան պետությունները շարունակեցին աֆրիկյան փախստականների կարգավիճակի վերաբերյալ փաստաթղթի մշակումը՝ հաշվի առնելով վերջիններիս կարգավիճակի առանձնահատկությունները: 1969թ. ընդունվեց Աֆրիկյան միության կազմակերպության Կոնվենցիան: Այն տալիս է փախստականի ավելի լայն

¹ 1951թ. մինչև 1960թ. Կոնվենցիային միացած 23 պետություններից 18-ը Եվրոպական պետություններ էին և առնվազն 4-ը հատուկ կապ ունեին մայրցամաքի հետ, որն էլ բացատրում է նրանց ավելի վաղ միացումը:

² Անհրաժեշտ է նշել, որ 1977թ. ՍՍՀՄ Սահմանադրությունը ամրագրում էր քաղաքական ապաստան տրամադրելու հնարավորություն:

սահմանում՝ 1951թ. Կոնվենցիայով տրված փախստականի սահմանմանն ավելացնելով մեկ ավելի սուբյեկտիվ դրույթ՝

- ցանկացած անձ, ով ստիպված է լքել իր երկիրը՝ կապված արտաքին ազրեսիայի, օկուպացիայի, օտարյերկրյա գերիշխանության կամ այնպիսի իրադարձությունների հետ, որոնք խանգարում են հանրային կարգը՝ ծագման կամ ազգային պատկանելիության երկրի մի հատվածում կամ ամրող տարածքում¹:

Տարածաշրջանային փաստարդի օրինակ է նաև Կարթագենի հռչակագիրը: Լատինական Ամերիկայի մի շարք երկրներում, օրինակ՝ Նիկարագուայում, Գվատեմալայում տեղի ունեցած քաղաքացիական պատերազմների պատճառով ի հայտ եկած փախստականների ճգնաժամը պահանջեց համապատասխան փաստարդի ստեղծման անհրաժեշտություն: 1984թ. Կարթագենում կյացավ հանդիպում, որի արդյունքում ընդունվեց Կարթագենյան հռչակագիրը: Այն Աֆրիկյան հռչակագրի նման 1951թ. Կոնվենցիայով տրված փախստականի սահմանմանն ավելացնում է սուբյեկտիվ մեկ տարր, այն է՝ փախստական են նաև այն անձինք, ովքեր լքել են իրենց երկիրը, քանի որ իրենց կյանքը, անվտանգությունը կամ ազատությունը վտանգված է եղել համատարած քռնության, արտաքին ազրեսիայի, ներքին բախումների, մարդու իրավունքների զանգվածային խախտումների կամ այլ հանգանանքների պատճառով, որոնք էականորեն խախտել են հանրային կարգը²:

Եվրոպայում ինտեգրացիոն գործընթացների խորացման արդյունքում անհրաժեշտություն առաջացավ մշակելու միգրացիոն խնդիրների լուծմանն ուղղված մեկ միասնական ռազմավարություն, որի ճանապարհին կարևոր քայլ հանդիսացավ Անստերդամի 1997թ. պայմանագիրը, որն արտացոլում էր փախստականների նկատմամբ իրականացվող քաղաքականության հիմքը հանդիսացող միասնական հայեցակարգը և դրվեց, այսպես կոչված, «Ապաստանի տրամադրման միասնական Եվրոպական համակարգ»-ի ձևավորման հիմքում³: Խորհրդային Միության և Հարավալավիայի փլուզումից հետո ԵՄ անդամ-պետությունները ականատես եղան փախստականնե-

¹ St'u Refugee Protection: a Guide to International Refugee Law// http://www.ipu.org/pdf/publications/refugee_en.pdf:

² St'u նույն տեղում:

³ St'u Steve Peers "EU Justice and Home Affairs Law", Third edition, Oxford University press, 2011, էջեր 298-301:

ոի մեծ ներհոսքի, որոնք հայտնվել էին նրանց սահմաններին և պաշտպանություն էին հայցում: Նման միտումը Եվրոպական Երկրների ինտեգրումից հետո էլ նույն է մնացել. այսօր էլ ԵՄ-ն հանդիսանում է փախստականների հիմնական ուղղությունը: ԵՄ շրջանակներում 2010թ. տվյալներով հիմնական ընդունող երկրներն են Գերմանիան, Ֆրանսիան, Շվեյցարիան, Բելգիան և Միացյալ Թագավորությունը¹:

Խորհրդային Միության փլուզումը հանգեցրեց մի շարք խնդիրների նաև հետխորհրդային տարածքում (Ղարաբաղյան հականարտությունը, Յվ. Օսերիայի, Արխազիայի հականարտությունները, քաղաքացիական պատերազմը Տաղիկստանում և այլն): Փախստականների զանգվածներ կուտակվեցին նաև այստեղ: Հետխորհրդային տարածքում փախստականների հարցի կարգավորման համար դժվարություններ էին առաջացնում մի շարք հանգամանքներ. այն, որ Վերջիններս չեին անդամակացում ոչ 1951թ. Կոնվենցիային, ոչ 1967թ. Արձանագրությանը, վարչական սահմաններն ու անցագրային ռեժիմը բացակայում էին, իսկ ազգային օրենսդրությունները փախստականների մասին ոչինչ չեին արձանագրում: Լրացուցիչ դժվարություններ էին առաջանում հետխորհրդային տարածքում բնակվող ռուսախոս ազգաբնակչության հետ կապված, խորականությունների ենթարկվելու արդյունքում մարդկի հաճախ վերադառնում էին Ռուսաստանի Դաշնություն: Մարդկանց այս կատեգորիան մատնանշելու համար 1993թ. ԱՊՀ պետությունների համաձայնագրում նշոցվեց «հարկադրաբար տեղահանված անձ» (վայնութեան ու ուսութեան պահանջման համար)՝ այն անձանց, ովքեր ունեին փախստականի կարգավիճակ, բայց վերադարձել էին իրենց քաղաքացիական պատկանելիության երկիր²: Այս դրույթը վիճաբանությունների տեղիք էր տալիս, քանի որ հակասում էր միջազգային փաստաթղթերով տրված սահմանումներին: 1993թ. ԱՊՀ պետությունների կողմից ընդունվեցին փախստականների վերաբերյալ մի շարք փաստաթղթեր, որոնց մեջամասնությունը փաստացիորեն

¹Տե՛ս Anthony Albertinelli "Population and social conditions", Eurostat 2011/5 http://epp.eurostat.ec.europa.eu/cache/ITY_OFFPUB/KS-QA-11-001/EN/KS-QA-11-001-EN.PDF

² Տե՛ս Павлова Л.В., Селиванов А.В., Международны́ правовоо́ статус беженца: Пособие для студентов вузов. Минск, «ТЕСЕЙ», 2006, էջ 32:

մնաց թղթի վրա¹:

Ի մի բերելով վերոնշյալը՝ կարելի է փաստել, որ փախստական-ների միջազգային իրավական պաշտպանությունն անցել է պատմական զարգացման երեք փուլ: Ներկայումս այն գտնվում է կարգավիճակի անհատական ժանաչման փուլում և չնայած փախստականների պաշտպանության հարցում կենտրոնական դերակատարում ունեցող ՄԱԿ ՓԳՀ-ի թափած ջանքերին՝ փախստականների խնդիրը շարունակում է մնալ արդիական: Այս առումով մեծ կարևորություն է ձեռք բերում պետությունների և ՄԱԿ ՓԳՀ-ի միջև համագործակցությունը: ՄԱԿ ՓԳՀ-ն պետություններից պահանջում է կատարել փախստականների նկատմամբ իրենց ստանձնած պարտականությունները և օգնում է պետություններին իրենց հնարավորությունները ընդարձակել ապաստան տրամադրելու գործում, սակայն, այնուամենայնիվ, փախստականների հետ կապված ճգնաժամի համար պատասխանատվության հիմնական բեռն ընկնում է այն երկրի կառավարության վրա, որի տարածքում գտնվում են նրանք, քանի որ միջազգային պաշտպանության համար հիմնական պատասխանատվությունը ստանձնում են պետությունները և ոչ ՄԱԿ ՓԳՀ-ն կամ այլ միջազգային կազմակերպություններ:

¹ Ст. 1 Сборник международно-правовых документов и национальных законодательных актов по вопросам беженцев / сост. Ю. Л. Сарашевский, А. В. Селиванов, кг 147:

Knarik Vardanyan

Lecturer at the YSU Chair of European and International Law

**FORMATION AND HISTORICAL DEVELOPMENT OF THE
MECHANISM OF INTERNATIONAL LEGAL
PROTECTION OF REFUGEES**

The article presents a short review of the history of the refugee problem solution worldwide. The history of protection of refugees dates back at least a few centuries, not to mention refugee situations in Antiquity, the history of international protection starts with the League of Nations, in response to the influx of refugees during and after the First World War, especially in Russia and in the Balkans. The author traces the history of international action in favor of refugees during the inter-war period and during the period immediately following the Second World War. The author also considers such fundamental international legal instruments as the UNHCR Charter, the Convention relating to the Status of Refugees and its Protocol, as well as some regional agreements. The current data on refugees is also presented.